



Trg pravde 10, 76100 Brčko distrikt Bosne i Hercegovine; web: jt-brckodistrikta.ba.pravosudje.ba; tel: 049/217-227; faks: 049/219-088; e-pošta: jtbd@jtbd.ba
Трг правде 10, 76100 Брчко дистрикт Босне и Херцеговине; web: jt-brckodistrikta.ba.pravosudje.ba; тел: 049/217-227; факс: 049/219-088; е-пошта: jtbd@jtbd.ba

Broj: T18 0 KT 0015419 21

Brčko, 26. august 2021. godina

Na osnovu člana 35. stav (2) tačka i) i člana 226. stav (1) Zakona o krivičnom postupku Brčko distrikta BiH, podižem:

OPTUŽNICU

Protiv:

H.A. ...

Što je:

1. Dana 12.06.2021. godine, u Brčkom, svjestan i u namjeri da ugrozi sigurnost svoje supruge Dž. H. koja je podnijela tužbu za razvod braka, i njene porodice, majke Dž. i oca A. K., u više navrata, putem mobilnog telefona telefonskog broja ... na Dž. telefonski broj ..., uputio više pisanih sms poruka u kojima je sadržajno Dž. uputio ozbiljne prijetnje da će je slomiti gdje je vidi, udaviti jastukom, da joj dolazi na vrata i da će joj doći na posao, da će je ubiti pred ocem i majkom, da će joj napraviti sačekušu, te da ona neće više živjeti, a da će joj samljati oca i mater, a potom nju, da bi istog dana, na mobilni telefon K. Dž. telefonskog broja Dž. uputio ozbiljne prijetnje lišenjem života riječima " Zapamti, uću s 3 bombe na sebi u vas, jebem vam majku svima, zapamtite raščerupaću vas...", a koje prijetnje, usljed straha od ostvarenja, su kod Dž., Dž. i A. izazvale osjećaj uznemirenosti i bojazni zbog čega su isti promijenili svoje redovne životne navike, te obezbjeđivani od strane Policije distrikta,
2. Dana 09.07.2021. godine, u Brčkom, svjestan i u namjeri da ugrozi bezbjednost svoje supruge Dž. H., sa telefonskog broja ... pozvao svog punca K.A. i uputio mu ozbiljnu prijetnju lišenjem života njegove kćerke Dž. riječima: " Jebem vam sve vam jebem...ja ako je uzmem udaviću je, ubiću je na smrt, a i sebe neću u zatvor već ću i sebe ubiti...ubiću je, zgaziću je s autom bolan" što je snimio na svoj mobilni uređaj, te tako snimljeni razgovor poslao na Dž. broj telefona, a koja prijetnja je kod Dž. i njenog oca A. izazvala uznemirenost i strah od ostvarenja,

dakle, ugrozio sigurnost više lica ozbiljnom prijetnjom da će nju i člana njene porodice lišiti života ili teško tjelesno povrijediti,

čime je počinio produženo krivično djelo – Ugrožavanje sigurnosti – iz člana 180. stav (2) u vezi sa stavom (1) a sve u vezi sa članom 55. Krivičnog zakona Brčko distrikta BiH.

Preduzimanje radnji krivičnog gonjenja prema određenoj osobi ne znači da je ta osoba zaista i odgovorna za počinjenje krivičnog djela. Prema principu presumpcije nevinosti, svako se smatra nevinim za krivično djelo dok se pravosnažnom presudom ne utvrdi njegova krivica
